

## **Kata Pengalo – Ngalo Ras Momo**



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan bage pe rencana pelayanen gerejanta ku bas wari-wari si reh enda ([Ngogeken Momo](#)).

## Kata Penaruh

=====

Turang ras senina, Dibata ndilo kita ku bas kebaktin enda, gelah kita mulihi nginget maka Jesus ngenca ngasup ngelawan dosa, darehNa sinebusi kita i bas dosa nari. Jesus nggo keke, IA enggo naluken kuasa dosa. Jesus menang ! kita pe menang, i bas naluken kuasa dosa, ras lanai nggeluh i bas kuasa dosa. Kekeken Jesus i bas si mate nari la terjeng nelamatkan manusia, tapi mpekena-kena tinepaNa mulihi bagi tangtangna i tepa Dibata. Emaka marilah kita bengket ku bas kebaktin enda guna ngatakan bujur man Dibata, erkiteken kekelengenNa si mbelin si enggo i sehkenNa man banta.

*(Nagani 3 lilin Paskah)*

**Erkata Lonceng**

*(Perp. Tedis)*

**Rende**

**KEE No. 128 : 1, 2, 3, 4**

*(Serayan Kebaktin Bengket Ku Mimbar)*

**Kebaktin Minggu, 05 April 2026**  
**Paskah I**

<b>3</b>	<b>Votum – Salam</b> <span style="float: right;"><i>(Perp. Tedis)</i></span>
L	<p>Kebaktin Paskah enda lit i bas gelar Dibata Bapa, si nepa doni enda alu kemuliaNa. I bas gelar Jesus Kristus, si nebusi ras nelamatkan manusia i bas kuasa dosa nari, ras i bas gelar Kesah si Badia, si negu-negu kita ku kegeluhen si rasa lalap si la erkerin-kerin.</p> <p>Perkuah ate ras dame i bas Dibata Bapa, i bas Tuhan Jesus Kristus nari ras i bas kerembaken ras Kesah si Badia, ras kita kerina gelah. Amin.</p>
P	Amin ..... Amin ..... Amin ..... <span style="float: right;"><i>(iendeken)</i></span>
<b>4</b>	<b>Berita Kerna Perbahanen Ras Sura-Sura Dibata (Invocatio)</b>
L	<p>“Si enda ibahanNa gelah arah kematenNa banci italukenNa Iblis si engkuasai kematen” (Heber 2 : 14b).</p> <p>Mari radu ras kita muji Tuhan arah : <b>KEE No. 206 : 1, 2, 3, 4</b></p>
<b>5</b>	<b>Berita Paskah (Perbahanen Dibata man Manusia)</b> <span style="float: right;"><i>(Perp. Kundul)</i></span>
L	<p>Kenca lepas wari Sabat, erpagi-pagi si lampas wari Minggu, lawes Maria Magdalena ras Maria si deban ku kuburen Jesus. Rempet jadi linur mehantu kal. Sekalak malekat Tuhan nusur i Surga nari, igulingkenna batu e jenari kundul ia i babona. Ayona ersinalsal bagi kilap janah uisna mbentar bagi kapas. Mbiar kal perajurit-perajurit si erjaga e, nggirgir ia jenari ampar bagi kalak mate. Ngerana malekat e man diberu ndai, <i>“Ola kam mbiar! Kueteh nge maka idaramindu Jesus si enggo ipakuken ku kayu persilang e. IA lanai i jenda. IA enggo ipekeke Dibata i bas si mate nari bagi enggo pernah ikatakenNa man bandu.</i></p> <p>Erpalasken Kata Dibata enda, sipuji IA alu radu ras kita ngendeken : <b>KEE No. 419 : 1, 2, 3, 4</b></p>
<b>6</b>	<b>Kinata Kegeluhen Manusia si Dem Alu Dosa (SL : Song Leader)</b>
L	<p>Turang ras senina, Tuhan enggo encidahken perkuah ateNa si mbelin man gunanta, IA enggo erbahansa kita menang naluken kuasa dosa doni enda.</p>
P	Megati la ipakeken kami kuasa si enggo iberekendu Tuhan, gegeh

	<p>kami usuren ipake kami guna naluken kuasa dosa e, seh maka kami megati labuh ras kote, sabab gegeh kami saja la kepe ngasup ngelawan kuasa dosa doni enda.</p>
SL	<i>(Ngendeken KEE No. 211 : 1)</i>
L	Turang ras senina, Kekeken Jesus mulahi kita i bas perukuren si jahat nari. Sura-suraNa gelah perukurenta pe bagi perukuren Kristus si ermeteruk ukur encidahken kekelengen man doni enda.
P	Megati perukuren kami nge ipebelin kami Tuhan, seh maka jadi perukuren si jahat i bas kami. Erkiteken si e igejap kami maka kami la metanggung nggeluh iadap-adapen Tuhan.
SL	<i>(Ngendeken KEE No. 211 : 1)</i>
<b>7</b>	<b>Pengakun Dosa</b>
L	<p>Marilah siakuken dosanta i lebe-lebe Dibata, nintalah i bas ukurta sekalak-sekalak :</p> <p>O Tuhan ieteh kami kelepaken kami, rusur kami la ngergai pebahanenNdu si mehuli man kami. Rusur ilupaken kami maka kam nggo nebusi kami alu darehNdu, gelah kami ngelakoken perbahanen si mehuli tapi perbahanen kami tetap bagi kalak si erkubang-kubang i bas dosa.</p>
L+P	<i>(Ngendeken KEE No. 211 : 4)</i>
L	O Bapa ieteh kami kinilatunggungen kami guna ngaloken keselamatanen i bas kam nari sabab geluh kami ikuasai dosa. Kebiaren ras aru ate erbahanca la meriah iakap kami i bas ndalani geluh enda. Sampati kami o Tuhan gelah kami ngasup nggeluh sentudu ras sura-suraNdu.
L+P	<i>(Ngendeken KEE 211 : 2)</i>
<b>8</b>	<b>Berita Pengalemi Dosa</b> <i>(Perp. Tedis)</i>
L	Dibata enggo nikapken rencana si mehuli man banta. Ipilihna kita jadi anak-anakNa. ItebusNa dosanta, iarak-arakNa, perdalanen kegeluhenta. IpetunggungNa kita ersembah man baNa, isikapkenNa kerina si mehuli man banta. Nina Tuhan man banta si ngakuken

	<p>dosa, janah mungkuk i adep-adepenNa :</p> <p><i>“La ateKu kam mate i bas dosa, tedeh ateKu kam ngakuken dosa-dosandu, sabab Aku me Tuhan Dibatandu si setia janah erkeleng ate man kalak si ngakuken dosana, si la nginget-ninget kesalahenNdu”</i></p> <p>Meriah ukurta sabab Dibata la nginget-ninget dosa ras kesalahenta, IalemiNa kita dengen iangkatNa kita jadi anakNa. Emaka sipuji IA arah ende-endenta : <b>KEE No. 318 : 1, 2, 3</b></p>
<p><b>9</b></p>	<p><b>Kata Dibata</b> <span style="float: right;"><i>(Perp. Kundul)</i></span></p>
<p>a</p> <p>103:1 L</p> <p>103:2 P</p> <p>103:3 L</p> <p>103:4 P</p> <p>103:5 L</p>	<p>Marilah sibegiken Kata Dibata si man ogenken ibas Minggu enda sini ibuat ibas Kitab <b>Masmur 103 : 1 - 5</b>. Mari siogeken secara pegancih. Sibenaken pengogenta .....</p> <p style="text-align: center;"><b><u>Kekelengen Dibata</u></b></p> <p>I bas Daud nari. Pujilah TUHAN, o tendingku, tendi, kula, ukurku pujilah gelarNa si badia!</p> <p>Pujilah TUHAN, o tendingku, ola lupa kerina kiniulinNa.</p> <p>IalemiNa kerina dosa-dosandu, dengen ipepalemNa kerina penakitndu.</p> <p>I bas kuburen nari ipulahiNa kam, ipasu-pasuNa kam alu keleng ate ras perkuah ateNa.</p> <p>Alu kiniulin idemiNa geluhndu, desken rajawali tetap kam megegeh dengen nguda.</p>
	<p>Ketuahen kalak si megiken Kata Dibata, dengen si makekenca i bas geluhna si teptep wari, Haleluya.</p> <p style="text-align: center;">Ialoi perpulungen alu ngendeken :</p> <p style="text-align: center;"><i>Haleluya .... Haleluya .... Haleluya ....</i></p>

b	Ertoto guna Khotbah
c	Khotbah : <b>Johanes 20 : 1 - 10.</b> Tema : <b>“Tek Nandang Kekeken Jesus”</b>
d	Ertoto kenca khotbah
<b>10</b>	<b>Pengakun Kiniteken</b> <span style="float: right;"><i>(Perp. Tedis)</i></span>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
<b>11</b>	<b>Persembahen</b> <span style="float: right;"><i>(Perp. Kundul)</i></span>
L	<p>Kata Dibata si jadi palas i bas kita ngatakan bujur eme : <i>“I bas si e arus iingetndu gelah ipatuhindu undang-undang siipedahken Musa man bandu; kelengilah Tuhan Dibatandu. Bahanlah kai si ngena ateNa, ikutken pedahNa, patuhlah man baNa, janah permuliakenlah IA alu bulat ukurndu ras tendindu”</i>.</p> <p>Iher ngendesken persembahen sipuji Tuhan arah ende-endenta: <b>KEE No. 451 : 1, 2, 3, 4</b></p> <p>Pertoton Persembahen ras Syafaat</p>
<b>12</b>	<b>Perpadanen Man Dibata</b> <span style="float: right;"><i>(Perp. Tedis)</i></span>
L	Dibata enggo naluken kuasa dosa. KekekenNa mereken kegeluhen simbaru ras mereken jaminen keselamatanen man banta, uga dage ninta ngaloisa ?

P	Alu paguh kegeluhenku tetap i bas Kristus si jadi keselamatanku, kubahan IA jadi ulu gegehku i bas aku ngalaken perbeben geluh enda.
L	Kekeken Kristus njamini kita, gelah metungung i adep-adepen Dibata janah metungung ndahiken dahin Tuhan jadi perberita si meriah ku sekelewetta. Uga dage ninta ?
P	Ateku makeken kula, tendi ukurku, meritaken berita si meriah i bas kerina dampar geluhku.
L	Sipepaguhi perpadanenta arah ende-endenta : <b>KEE No. 242 : 1, 2, 3</b>
<b>13</b>	<b>Pertoton Tuhan</b>
<b>14</b>	<b>Pengutusen ras Pasu-pasu Dibata</b>
L	Erkiteken kam anak-anak kekelengen Dibata, geluhndu arus erpalasken keleng ate, bagi Kristus nggo engkelengi kam. Bengketlah ku bas doni enda, beritakenlah kekeken Kristus seh ku tampuk doni enda. Guna si e alokenlah pasu-pasu idur Dibata nari: <i>“Aku me Dibatandu si milih kam jadi persuruhanKu. Ku pasu-pasu kam, Ku kawali kam janah Kupegegehi kam guna ndahiken si ngena ateKu. Aku tetap ras kam seh kedungen jaman.” Amin.</i>
	Ialoi perpulungen alu ngendeken :  A..min  A....min  A .....min
	<b><i>SELAMAT HARI MINGGU/SYALOOM.....</i></b>